

**4. A. princeps.** — Stipite procero, solitario, aculeato. Frondibus semi-erectis, pinnatis; petiolo aculeatissimo; foliolis linearibus, oblique acuminatis; apice irregulariter bifido, bijugatis alternis; spadice erecto, aculeato; spatha aculeatissima. Drupa globosa diametro 0<sup>m</sup>,05-6 glabra, flavo-virente, monosperma.

**Hab.** *in locis jam cultis in Provincia Amazonum et in fluvio Tapajós in Provincia Paraensi. Floret januario et fructificat martio. Indi eam vocant Tucumá-açu.*

(Barb. Rod. hb. Palm. 219)

Stipitis alt. 20-25<sup>m</sup>, diam. 0<sup>m</sup>,3. Folia 10-12<sup>m</sup> contemporanea, 6<sup>m</sup> longa. Foliola 116 utrinque, 1<sup>m</sup>,2 longa, 0<sup>m</sup>,045 lata. Spadix 2<sup>m</sup> longus.

**5. A. caudescens.** Stipite caudescente, procero, internodiis superne aculeatis (aculeis erectis, superioribus minus quam inferioribus subtrigonis); frondibus suberectis, pinnatis, habitu crispo; drupa obovata, vertice acuto, sub-coccineo.

**Hab.** *in silvis primævis in regione sita ad cataractas fluvii Trombetas, ubi designatur nomine Tucumá-y da terra firme. Fructus fert m. februario.*

(Barb. Rod. hb. Palm. 225)

Stipitis alt. 4<sup>m</sup>-6, diamet. 0<sup>m</sup>,17. Folia 25-30 contemporanea, 5<sup>m</sup>,5 longa; pitiolus 2<sup>m</sup>; foliola 140 utrinque, irregulariter disposita 2-8 juga, interse 0<sup>m</sup>,035-0<sup>m</sup>,07 distancia, subcrispa, linearia (media 0<sup>m</sup>,07 lata et 1<sup>m</sup> longa, extrema 0<sup>m</sup>,2 longa et 0<sup>m</sup>,02 lata). Spadix 1<sup>m</sup>,5; pedunculus 1<sup>m</sup>,1, tomento ferrugineo aculeato vestitus.